

LELEME LA GAE MPHATO WA 1

Kolo e hwetša mogwera yo moswa



Puku ya

3

SEPEDI



Go bala ka sehlopha ga go hlahlwa

Pele o bala

- Phetlolla matlakala a kanegelo yeo ba tlilego go e bala. Boledisanang ka ga diswantsho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantsho.
- Hlagiša mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagiša tlotlontšu ye mpsha (lebelela lenaneo la tlotlontšu ye mpsha kua bokagareng bja letlakala la mafelolo la khabara.

Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo mongwe le yo mongwe gore a balele karolo ye nngwe ya sengwalwa godimo

Ditherišano

- Botšiša dipotšišo tša tekatlhao loganyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tlotlontšu.
- E re barutwana ba ngwale mešongwana ya dihlopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)

E re barutwana ba diragatše diteng tša
sengwalwa ge go kgonega.



Barutwana ba swanetše go dira mešongwana ye e theilwego godimo ga go bala ka dihlopha ka morago ga ge ba badile. E re barutwana ba šome ka dihlopha go ngwala mešongwana ya maleba ya go bala ka dihlopha yeo e lego kua mafelelong a puku. Ba se ke ba ngwala ka pukung ye. Mešongwana ya go ngwalwa e swanetše go ngwalwa ka dipukung tša bona tša go ngwalela.

Kolo e hwetša mogwera yo moswa



Pam, Boati le mpša ya bona,
Kolo, ba ya go sepela.

Lehono Kolo e seleka kudu.
E a tšhaba.

Pam le Boati ba a e kitimiša.
"Boa Kolo!" gwa bitša Boati.






Kolo e kitimela lebotong la mo phakeng. Kolo e nkgelela leboto.

E nkgelela eng ka morago ga leboto? Naa ke bolo ya bohubedu le botalalerata?

Hau! Hau! Hau!



Pam o a botšiša:
"O hweditše eng Kolo?
Na e ka ba lerapo le legolo?
Naa e ka ba khounu?"

Hau! Hau! Hau!






Pam le Boati ba šala Kolo morago
gomme ba tsena ka phakeng.

Kwaa! Kwaa! Kwaa!

Jo! Ke lepidibidi le
lennyane le lesorolwana.

Lepidibidi le lennyane
le timetše.

Basetsana ba sepela
ka go nanya ba lebile
fao lepidibitsana le
lego gona.







"Naa o timetše, wena lepidibidi
le lennyane le lesorolwana? Naa
re go iše letangwaneng," gwa
realo Pam.

Kolo ya thoma go bogola.
Hau! Hau! Hau!


"Aowa Kolo! O se ke wa
bogola lepidibidi le lennyane le
lesorolwana" gwa realo Boati.
"Lepidibidi le lennyane le tšhogile."



Pam le Boati ba iša lepidibidi le
lennyane letangwaneng.

"Mmago le tatago šeba.
Bona! Bobutiago le sesiago
ba thutha ka letangwaneng,"
gwa realo Pam.

Kwaa! Kwaa! Kwaa!



"Ke duma ge re ka tšeа lepidibidi
le, ra le iša gae," gwa realo Pam.

Lepidibidi le lennyane la tloga
la napa la thutha.

"Nna ke nagana gore lepidibidi
le nyaka go dula le ba lapa la
bo lona," gwa realo Boati.

Kwaa! Kwaa! Kwaa!



Kolo e bona lepidibidi le lennyane
le thutha ka letangwaneng.
Kolo le yona ya tabogela ka
letangwaneng.

Phašaa! Phašaa! Phašaa!

"Aowa wena Kolo!
O mpša ya go seleka!
E tšwa!" gwa realo Boati.





Kolo e tšwa ka letangwaneng.

E a ithintha gore e ome.

"Aowa Kolo! Bjale ke kolobile
mmele ka moka! A re ye gae,"
gwa realo Boati.

Kolo e laela mogwera wa
yona yo moswa.

Hau! Hau! Hau!

Hlokomela diruiwaratwa
tša gago!







Opela!

Naa ga se wa bona mapidibidi a mannyane?

Na ga se wa bona mapidibidi a mannyane

A thutha ka letangwaneng?



Mmalepidibidi le Tatelepidibidi,
matsuana a mapidibidi,
Makgolo le morwedi.



Naa ga se wa a bona a tsenya
melomo ya ona ka meetseng


A bile a thutha?

Mmalepidibidi, Tatelepidibidi,
matsuana a mapidibidi.

Makgolo le morwedi.

Na ga se wa bona mapidibidi a phuphusela,

A thutha ka letangwaneng?



Mmalepidibidi, Tatelepidibidi,
matsuana a mapidibidi,

Makgolo le morwedi.



Ka ga mapidibidi

Mapidibidi ke leloko le tee le maganse.

Mapidibidi le ona a na le maoto a phaphathi ao a a thušago gore a kgone go thutha. A na le melomo.

A na le mafofa a go se kolobe.

Mapidibidi a ditshadi a bitšwa "mapidibiditshadi" gomme mapidibidi a tona a bitšwa "ditona." Bana ba mapidibidi ba bitšwa mapidibitšana.







Mešongwana ya go bala ka dihlopha



1

Lebelela diswantšho tše di latelago. Botša mogwera wa gago gore go direga eng mo seswantšhong se sengwe le se sengwe. Botša mogwera wa gago gore ke seswantšho sefe se se swanetšego go ba sa mathomo, sa bobedi, sa boraro goba sa mafelelo. Anegela mogwera wa gago kanegelo gape, ka go šomiša diswantšho.



2

Diragatša kanegelo.



3

Araba dipotšišo tše di latelago ka go di bolela.

- Efa hlogo ya kanegelo ye.
- Baanegwathwadi ke bomang mo kanegelong ye?
- Naa Boati le Pam ba hweditše kae batswadi ba lepidibidi le lennyane le leserolane?




- d. Naa o nagana gore Kolo le lepidibidi le lennyane le lesorolwana ba tla tšwela pele go ba bagwera?
Efa lebaka la karabo ya gago.
- e. Efa mebala yeo go bolelwago ka yona mo kanegelong.



4

Botša mogwera wa gago gore ke seswantšho sefe se nyalelanago le lentšu le itšego. Bala lefoko le le nyalelanago le seswantšho le lentšu.



lerapo
Kolo
bolo
founu
lepidibidi

Naa ke lerapo le legolo?

Ke bolo ya mmala wo mohubedu le wo motalalerata.

Naa o kgonà go bona lepidibidi le leserolane?

Kolo ke mpša ya Boati le Pam.

Naa e ka ba founu?



5

Balela mogwera wa gago mafoko. Šomiša mantšu le diswantšho go go thusa go feleletša mafoko. Ka morago ngwala mafoko ao ka pukung ya gago ya go ngwalela.

Kolo	letangwana	lepidibitšana	nonyana
Mohlala: 	<u>Nonyana</u> e opela e le godimo ga mohlare.		
	Boati, Pam le _____ ba ya go sepela.		
	Kolo e bona _____ le lennyane le leserolane.		
	Pam le Boati ba iša lepidibidi _____.		



6

Ngwala lefoko le tee go tšwa kanegelong ka pukung ya gago ya go ngwalela. Thala seswantšho go laetša kanegelo ya gago.

LELEME LA GAE MPHATO WA 1



Puku ya 3

Hlogo:	Kolo e hwetša mogwera yo moswa
Leleme:	Sepedi
Kgato ya:	Leleme la gae Mphato wa 1 Kgato ya 2 Puku ya 3
Mohuta wa sengwalwa:	Kanegelo
Mantšu a tlwaelo:	hwetša, mpsha, sepela, ka morago ga, lehono, nnyane, kgolo, kitima, vala gabotse
Tlotlontšu:	seleka, letangwana, thinthia, hwetša, lepidibitšana, thutha, dupelela, founu, bogola
Mediumo:	-olo, -eta, -oko, -aparo, -na, -sokisi
Diteng, mareo le mabokgoni:	<ul style="list-style-type: none">▪ Go latelanya diswantšho▪ Go bolela kanegelo gape▪ Go arabia dipotšišo tše bonolo▪ Go nyalanya hlogo, seswantšho le lefoko▪ Go feleletša mafoko▪ Go ngwalolla lefoko go tšwa kanegelong▪ Go laetša lefoko ka go thala seswantšho

SEPHOLEKE (CAPS) se nyaka gore barutiši ba bee nako ka thoko letšatši ka letšatši go bala ka sehlopha se se itšego sa go hlahlwa.

Go bala ka sehlopha sa go hlahlwa go nyaka gore barutwana bao ba lego maemong a go lekana ka go bala ba bale sengwalwa sa go swana, ka dihlopha ka tlhahlo ya morutiši.

Morutiši o swanetše go beakanya paka ya go bala gore e akaretše mekgwana ya go bala go ya ka go bala ka go bona mantšu le difoneme le ya kweššo yeo barutwana ba tla e hlokago ge ba bala.

Gape mekgwana ye ya go bala e nyaka gore go be "go bolelwa ka sengwalwa" magare ga morutiši le bana gape le magare ga barutwana mo seholpheng.

Dipuku tše di akaretša 'go bolela ka sengwalwa' tekatlhao loganyo le mešongwana ye mengwe ya go thuša barutiši gore ba kgone go hlahlha go bala ka sehlopha ka diphapošing tše bona.

ISBN 978-1-4315-2503-4



ISBN 978-1-4315-2503-4
**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dipuku tše dingwe tše
Leleme la gae tše Mphato
wa 1. Rakeng ya dipuku:



Segwagwa se ya sekolong

Ke kgona go bala

Ka moka re ya sekolong

**Letšatši la dipapadi
la diphoofolo**



Re rata kgwele ya maoto

Go tšhepha

**Kolo e hwetša mogwera
yo moswa**

Chuck lori



Kgogotshadi ye khubedu

Ann o ya ngakeng

Toro ya Oketšo